

1. Almenn

Fiskeldi Austfjarða (kt. 520412-0930), Nesbala 122, 170 Seltjarnanesi, er með rekstrarleyfi fyrir 9.800 tonna hámarkslífmassa af laxi í Berufirði (FE-1138) sem var gefið út 21. mars 2019. Heimilaður hámarkslífmassi 6.000 tonn frjór lax og 3.800 tonn ófrjór lax sem samræmdist þágildandi áhættumati Hafrannsóknastofnunar vegna erfðablöndunar frá árinu 2017. Fyrirtækið óskaði eftir breytingu á rekstrarleyfi vegna endurskoðaðs áhættumats, þann 9. júní 2020.

Þann 5. júní 2020 staðfesti sjávarútvegs- og landbúnaðarráðherra nýtt áhættumat erfðablöndunar þar sem eldi var heimilað fyrir 7.500 tonna hámarkslífmassa af frjóum laxi í Berufirði. Skv. 1. mgr. 24. gr. reglugerðar nr. 540/2020 um fiskeldi þá skal Matvælastofnun breyta gildandi rekstrarleyfum til samræmis við nýtt áhættumat.

Matvælastofnun auglýsti viðauka við rekstrarleyfi á tímabilinu 2. febrúar til 2. mars 2021.

2. Athugasemdir sem bárust á auglýsingartíma vegna starfsleyfistillögunnar og viðbrögð Matvælastofnunar

Matvælastofnun bárust athugasemdir frá einum aðila á auglýsingatíma. Athugasemdirnar var frá Flóka Ásgeirssyni fyrir hönd Náttúruverndarfélagins Laxinn lífi og Náttúruverndarsamtaka Íslands.

Náttúruverndarfélagið Laxinn lífi og Náttúruverndarsamtök Íslands sendu inn athugasemd þann 3. mars 2021.

- Ekki hafi verið lagður lögmætur grundvöllur að fyrirhuguðum breytingum á framkvæmdarleyfum eldisins í Fáskrúðsfirði, þ.m.t. rekstrarleyfi, með nýju áhættumati Hafrannsóknarstofnunar á erfðablöndun og matsskylduákvörðun Skipulagsstofnunar frá 13. janúar sl.
- Gerð er athugasemd við að aukin heimild til notkunar á frjóum laxi sé ekki háð undanfarandi málsmeðferð skv. lögum nr. 106/2000.

Í matsskýrslu fyrirtækisins skv. lögum nr. 106/2000 gerði fyrirtækið grein fyrir 10.000 tonna leyfi á frjóum laxi í Berufirði, en jafnframt kom fram að útsetningar- og framleiðsluáætlanir myndu taka breytingum til samræmis við áhættumat Hafrannsóknastofnunar hverju sinni og hlutfall frjós fisks myndi fylgja áhættumatinu. Jafnframt upplýsti Skipulagsstofnun að leyfisútgáfa þyrfti að taka mið af gildandi áhættumati. Á grundvelli þágildandi áhættumats var rekstrarleyfi gefið út og heimilaður hámarkslífmassi 6.000 tonn af frjóum laxi og 3.800 tonn af ófrjóum laxi. Fyrir liggur nýtt áhættumat Hafrannsóknastofnunar þar sem hámarkslífmassi af frjóum laxi í Berufirði er 7.500 tonn. Um breytingar á rekstrarleyfum vegna breytinga á áhættumati og burðarþolsmati fer skv. 24. gr. reglugerðar nr. 540/2020 og skal Matvælastofnun áður en leyfi er veitt tryggja að fyrirhuguð breyting samræmist matsskýrslu framkvæmdaraðila og áliti Skipulagsstofnunar um mat á umhverfisáhrifum. Þá er framkvæmdin og breyting á magni frjós eldisfisks í samræmi við burðarþolsmat frá 17. október 2016 og áhættumat Hafrannsóknastofnunar, sjá auglýsing nr. 562/2020. Matvælastofnun telur með vísan til fyrirbyggjandi gagna að breytingin á magni frjós lax samrýmist matsskýrslu Fiskeldis Austfjarða vegna eldisins og áliti Skipulagsstofnunar.

3. Gildistaka

Matvælastofnun hefur nú tekið ákvörðun um breytingu á rekstrarleyfi Fiskeldis Austfjarða (FE-1138) í samræmi við 1. mgr. 24. gr. reglugerðar nr. 540/2020 um fiskeldi. Heimilaður hámarkslífamassi af frjóum laxi verður 7.500 tonn og 2.300 tonn af ófrjóum laxi í Berufirði.

Rekstrarleyfið nær til kynslóðaskipts sjókvíeldis á sjókvíaeldissvæðum A (Glímeyri, Svarthamarsvík og Svarthamrar) og B (Hamraborg I og Hamraborg II) í Berufirði.

Rekstrarleyfið byggir á skilyrðum laga nr. 71/2008 um fiskeldi og reglugerðar nr. 540/2020 um fiskeldi.

Breyting á rekstrarleyfi tekur þegar gildi, en gildistími leyfisins helst óbreyttur og er til 21. mars 2029

Selfossi, 5. maí 2021